

**Ugovorne strane:**

(1) **MINISTARSTVO UNUTRAŠNJIH POSLOVA KANTONA SARAJEVO** sa sjedištem u Sarajevu, ul. La Benevolencije broj 16, koje zastupa ministar Vedran Mulabdić (u daljem tekstu: Ugovorni organ) i

(2) **“SELA” d.o.o Sarajevo**, sa sjedištem u ulici Rajlovačka cesta broj 31, koga zastupa direktor Sead Tutić (u daljem tekstu: Izvođač radova)

**I  
PREDMET UGOVORA**

**Član 1.**

(1) Predmet ovog Ugovora je nabavka građevinsko-zanatskih radova na sanaciji krova iznad arhive na objektu Jedinice za specijalističku podršku - LOT 3, za potrebe Ministarstva unutrašnjih poslova Kantona Sarajevo.

(2) Ugovorni organ naručuje predmetne radove, a Izvođač radova prihvata da izvede iste, a na osnovu provedenog postupka javne nabavke putem otvorenog postupka, prema objavljenom Obavještenju o nabavci broj 1364-1-3-54-3-48/18 od 23.11.2018. i Odluke o izboru najpovoljnijeg ponuđača broj 01-14-4-8311 od 13.12.2018. godine.

**Član 2.**

Ugovorni organ i Izvođač radova su saglasni da Ugovor realizuju prema već definisanim uslovima u Obavještenju o javnoj nabavci putem otvorenog postupka i prema tenderskoj dokumentaciji za ugovor o radovima, i to:

a) Ugovorni organ prema zahtjevima u Obavještenju i tenderskoj dokumentaciji i

b) Izvođač radova, prema dostavljenoj ponudi i dokumentaciji sa preciziranim ponuđenim uslovima u ponudi u predmetnom otvorenom postupku.

**II  
UGOVORNA CIJENA**

**Član 3.**

(1) **Ukupna vrijednost radova iz člana 1. ovog ugovora, sa uključenim PDV-om iznosi 62.669,30 KM (šezdesetdvijehiljadešeststotinašezdesetdevet i 30/100 KM).**

(2) Ukupna vrijednost iz stava (1) ovog člana je utvrđena na osnovu Ponude Izvođača radova nakon provedene računске kontrole i usaglašavanja.

(3) Stvarna vrijednost ovog ugovora će biti vrijednost izvedenih radova obračunata prema stvarnim količinama iskazanim u građevinskoj knjizi (ovjerenim od strane nadzornog organa) na osnovu jediničnih cijena iz Ponude Izvođača. Izvođač se obavezuje na nepromjenjivost jediničnih cijena tokom ugovornog perioda.

**III  
OBRAČUN RADOVA I NAČIN PLAĆANJA I GARANCIJA  
ZA DOBRO IZVRŠENJE UGOVORA**

**Član 4.**

(1) Ugovorni organ zadržava pravo potpune ili djelimične realizacije nabavke po tenderskoj dokumentaciji, a u skladu sa Zakonom o javnim nabavkama.

- (2) Količine iz specifikacije radova su okvirne, a konačne će biti prikazane u građevinskom dnevniku građevinskoj knjizi i ovjerene od strane nadzornog organa.
- (3) Ugovorni organ utvrđuje garanciju, безусловnu bankovnu garanciju za dobro izvršenje ugovora na iznos od **10% (deset posto) od vrijednosti ugovora** - u skladu sa tenderskom dokumentacijom sa periodom važenja rok izvođenja radova + garantni rok + 30 dana, naplativom na prvi poziv.
- (4) Ukoliko ne nastupi ni jedan od slučajeva koji bi zahtijevao realizaciju garancije za dobro izvršenje ugovora, Ugovorni organ vrši povrat sredstava/dokumenta koji predstavljaju garanciju.
- (5) Bezuslovna bankarska garancija za dobro izvršenje Ugovora će poslužiti za pokrivanje stvarne štete i troškova koje Ugovorni organ može imati ukoliko Izvođač radova prekrši odredbe zaključenog Ugovora.
- (6) U slučaju neispunjavanja ugovornih obaveza, Ugovorni organ zadržava pravo djelimičnog ili potpunog raskida Ugovora.
- (7) Izvođač će u roku od sedam (7) dana odmah po potpisivanju ugovora dostaviti безусловnu bankovnu garanciju za dobro izvršenje ugovora.
- (8) **Način plaćanja:** 30% avans, uz obezbjeđenje безусловne avansne bankarske garancije, ostatak po ispostavljenim privremenim situacijama.

#### Član 5.

- (1) U obimu radova iz člana 1. ovog Ugovora podrazumijevaju se sljedeći radovi po prihvaćenim cijenama sa uračunatim poreskim obavezama (Prema specifikaciji iz Obrasca za cijenu ponude i Ponudi).
- (2) Jedinične cijene iz ponude treba da sadrže i povezane neophodne radnje (tehnološke aktivnosti), koje daju funkcionalnost konkretnoj poziciji iz predmjera.

#### Član 6.

- (1) Izvođač radova će fakture za izvedene radove ispostavljati na sljedeći način:
  - a) po privremenim situacijama nakon što Nadzorni organ potvrdi (ovjeri) privremene situacije Izvođača radova, a nakon što su isti ovjereni u građevinskoj knjizi;
  - b) Završna situacija - po završnoj situaciji, a nakon što su radovi ovjereni od strane Nadzornog organa u građevinskoj knjizi i nakon obavljenog tehničkog prijema od strane nadležnog organa.
- (2) Privremene i završna situacija ispostavljaju se na osnovu stvarno izvršenih radova i ugovorenih cijena i sadrže podatke o količini i cijenama izvedenih radova, nepredviđenim radovima, ukupnoj vrijednosti izvedenih radova, ranije plaćenim iznosima i iznosu koji treba platiti na osnovu ispostavljene završne situacije.
- (3) Cijene dodatnih nepredviđenih radova, ukoliko su isti obuhvaćeni ponudom Izvođača radova, će se obračunati po jediničnim cijenama istih ili sličnih radova iz ponude, u suprotnom moraju biti odobrene od Ugovornog organa.
- (4) Izvođač radova će sve fakture, privremene i završnu situaciju ispostaviti u četiri originalna primjerka.
- (5) Ugovorni organ će izvršiti plaćanje faktura nakon što ih pregleda i odobri Nadzorni organ.
- (6) Izvođač radova se obavezuje na nepromjenjivost ponuđenih cijena tokom cijelog ugovornog perioda.
- (7) Obračun izvedenih radova vršit će se po stvarno izvedenim radovima uz primjenu jediničnih cijena iz ponude Izvođača broj 118-1213-1/P od 13.12.2018. godine.
- (8) Ugovorni organ i Izvođač radova su saglasni da se plaćanje izvrši po kompletnoj situaciji, nakon što su radovi iz situacije uredno ovjereni od strane Ugovornog organa i Nadzornog organa i potpisana građevinska knjiga i građevinski dnevnik, ispostavljena faktura za radove, te dostavljene garancija za izvedene radove i druge obaveze.
- (9) **Ugovorni organ će plaćati fakture za izvršene radove u roku od 15 dana od dana nastanka obaveze iz stava (4) ovog člana.**

**IV**  
**ROK I MJESTO IZVOĐENJA RADOVA, GARANTNI**  
**ROK NA IZVEDENE RADOVE**

**Član 7.**

(1) Izvođač radova se obavezuje da će se skladu sa članom 1. i 5. ovog Ugovora izvesti radove Ugovornom organu, u skladu sa potrebama i narudžbama iskazanim u pismenom obliku.

**Član 8.**

- (1) Izvođač radova se obavezuje izvesti radove Ugovornom organu, propisanog kvaliteta, u traženim količinama i u ponuđenom roku iz Ponude broj 118-1213-1/P od 13.12.2018. godine.
- (2) Izvođač radova se obavezuje na garantni rok za izvedene radove 24 mjeseca od momenta tehničkog prijema radova.
- (3) Izvođač radova se obavezuje na **rok izvođenja radova do četrdesetpet (45) dana**, a koji će usaglasiti predstavnici ugovornih strana na objektu.
- (4) Ugovorni rok utvrđen odredbom iz stava (3) ovog člana ovog Ugovora može se produžiti samo u slučaju više sile iz razloga neplaniranih događaja od bitnog utjecaja na rad, a nakon saglasnosti Ugovornog organa.
- (5) Rok izvođenja radova iz stava (4) ovog člana ne uključuje dane prema važećim propisima o građevinarstvu.
- (6) Izvođač radova je upoznat sa uslovima na gradilištu i po ovom Ugovoru prihvaća izvedbu predmetnih radova bez ikakvih ograničenja.

**Član 9.**

- (1) Izvođač radova se obavezuje Ugovornom organu da će izvesti radove u skladu sa Ugovorom, propisima i pravilima struke i da neće imati mana koje onemogućuju upotrebu ili umanjuju upotrebnost vrijednost građevine.
- (2) Izvođač radova daje **garantni rok za izvedene radove po ovom Ugovoru do 24 mjeseca**. U tom vremenu po pozivu Ugovornog organa Naručioaca i o svom trošku Izvođač radova će otkloniti sve nedostatke na objektu, koji su posljedica slabe kvalitete izvedbe.
- (3) Ako se Izvođač radova na poziv Ugovornog organa ne odazove u roku 48 sati ili ako ne otkloni nedostatke u dogovorenom roku, Ugovorni organ će pristupiti otklanjanju nedostataka na teret Izvođača radova, realizacijom bankovne garancije.
- (4) Rok u kojem se nedostatak mora otkloniti utvrđuje se zapisnički od strane Izvođača radova i Ugovornog organa.

**Član 10.**

- (1) Ugovorni organ može raskinuti ugovor:
  - a) ako Izvođač radova i nakon 15 dana od dana uvođenja u posao od strane ovlaštenih lica ugovornog organa ne započne sa istim,
  - b) Ako Izvođač radova kasni sa dinamikom izvođenja više od 5 dana od ugovorenog roka dinamike,
  - c) ako ga Nadzorni organ obavijesti o nekvalitetnoj gradnji i gradnji suprotnoj pravilima struke;
  - d) ako van ugovorenih uslova i bez saglasnosti Ugovornog organa prepusti izvedbu svih ili većine radova podizvođaču.
- (2) Izvođač radova se obavezuje da će radove izvesti u skladu sa zahtjevom Ugovornog organa i da će odmah postupiti po eventualnim primjedbama Ugovornog organa, u pogledu nedostatka na ime kvaliteta izvršene nabavke.
- (3) Ugovorni organ je dužan da dostavi pisano obavještenje o svakom navodnom propustu Izvođača radova po Ugovoru.
- (4) Ugovorni organ će utvrditi razuman rok za ispravku propusta Izvođača radova u smislu izvršene nabavke.

V  
**OBAVEZE IZVOĐAČA RADOVA**

**Član 11.**

(1) Izvođač radova se naročito obavezuje:

Poduzimati sve potrebne mjere za sigurnost i zaštitu građevine, susjednih građevina, radne opreme, materijala i okoliša, svojih radnika, ostalih sudionika u gradnji, zaposlenih Ugovornog organa, prolaznika i prometa i državne imovine prema važećim propisima;

- osigurati potpunu primjenu svih zakonskih mjera i sredstava zaštite na radu;
- osigurati neometan rad Ugovornog organa tokom perioda izvođenja radova;
- postaviti znakove upozorenja i opasnosti u svrhu sprečavanja bilo kakvih nezgoda na gradilištu, odnosno sprečavanja nekontroliranog pristupa ljudima na gradilište;
- osigurati i kontrolirati korištenje osobnih zaštitnih sredstava i zaštitnih naprava;
- pridržavati se propisanih mjera pri upotrebi opasnih oruđa i tvari;
- da obezbijedi sve ateste, nacрте ili odgovarajuće prospekte i upute o rukovanju i održavanju za sve materijale i opremu;
- da izvrši pravilnu organizaciju posla u dogovoru sa drugim izvođačima na lokaciji izvođenja radova;
- da izvrši sva neophodna ispitivanja o svom trošku koje ima dati za materijal, opremu, radnu snagu, pribor i instrumente;
- u roku od tri dana po stupanju na snagu ovog Ugovora aktom odredi odgovornog voditelja radova (odgovornu osobu), koji će biti odgovoran za realizaciju radova i zakonom propisanih mjera o zaštiti na radu;
- u roku od pet dana po stupanju na snagu ovog Ugovora sačini detaljan dinamički plan i šemu organizacije gradilišta i usaglasi istu sa Nadzornim organom i Ugovornim organom;
- vodi urednu i detaljnu evidenciju o napredovanju radova, građevinsku knjigu i građevinski dnevnik, sve u skladu sa propisima, dužan je osigurati uvid u iste Nadzornom organu, te ih dnevno supotpisivati sa Nadzornim organom;
- izvršiti radove u skladu sa projektnom dokumentacijom;
- se uzdržava od nepotrebnih izmjena postojećeg stanja na lokaciji, te da po završetku radova sve vrati u prvobitno stanje;
- prije ugradnje, o svom trošku, dostavlja sve dokaze o kvalitetu materijala i opreme i izvrši sva testiranja kako to zatraži Nadzorni organ, a prema važećim standardima i propisima. Ukoliko bi to zatražio Nadzorni organ, Izvođač radova će dostavljati radioničke nacрте i uzorke u prirodnoj veličini na odobrenje. Prije naručivanja bilo kojeg građevinskog materijala, materijal mora odobriti Nadzorni organ;
- koriguje svaki rad koji ne bi bio izvršen u skladu sa ovim Ugovorom, prema pisanim uputama Nadzornog organa koje se upisuju u građevinski dnevnik, i to mora izvršiti odmah o svom trošku i
- da uradi i izvrši predaju projekta izvedenog stanja Ugovornom organu, a prije konačnog zapisnika o primopredaji i konačnog izvještaja od strane Nadzornog organa.

(2) Izvođač radova na gradilištu mora imati:

- popis radnika koji će biti na objektu;
- akt o imenovanju odgovorne osobe;
- izvedbene projekte sa svim izmjenama i dopunama;
- građevinski dnevnik i građevinsku knjigu i redovito ih dostavljati predstavniku Ugovornog organa i Nadzornom organu;
- dokumentaciju o ispitivanju ugrađenih materijala i opreme prema programu ispitivanja iz projekta
- i sve ostalo propisano zakonom.

(3) Izvođač je dužan:

- da radove izvede stručno i prema projektnoj dokumentaciji i odredbama ovog Ugovora, te u skladu sa važećim zakonskim propisima u građevinarstvu;
- da prije početka radova na licu mjesta izvrši kontrolu ispravnosti projektne i druge tehničke dokumentacije i opreme. Ukoliko uoči greške i nedostatke dužan je upozoriti Ugovorni organ;

- da čuva projekte i primljene podatke za vrijeme izvođenja radova;
- da uradi dinamiku izvođenja radova sa detaljnim opisima radova i aktivnosti, te da svoje aktivnosti uskladi sa ostalim izvođačima;
- da preduzme sve potrebne mjere da ne dođe do oštećenja drugih instalacija i opreme;
- da odgovara za sve štete koje prouzrokuje nesavjesnim i nestručnim izvođenjem radova, te je dužan i finansijski nadoknaditi svu tako nastalu štetu;
- ako Izvođač radova za vrijeme izvođenja radova primjeti da se moraju izvesti naknadni radovi koji nisu obuhvaćeni u pogodbenom predmjeru ili izmjene koje mogu uticati na stabilnost, funkcionalnost i kvalitet ugovorenih radova, dužan je uraditi predračun i predmjer za te naknadne radove ili izmjene i nakon odobrenje od strane Ugovornog organa uz saglasnost Nadzornog organa da izvrši te naknadne radove ili izmjene;
- pravovremeno zahtijevati od Nadzornog organa sva potrebna pojašnjenja u vezi sa tehničkom dokumentacijom, tehničkim uvjetima i načinom izvođenja radova;
- pridržavati se propisa, tehničkih normativa, važećih standarda i pravila struke;
- uredno i ažurno voditi građevinski dnevnik i građevinsku knjigu;
- pismeno obavijestiti Ugovorni organ i evidentirati u građevinski dnevnik sve okolnosti koje mogu ometati izvođenje radova;
- da svi radnici na gradilištu budu uredno prijavljeni i moraju posjedovati odgovarajuća uvjerenja o osposobljenosti za rad na siguran način. U slučaju kakvih nepravilnosti, Izvođač radova preuzima potpunu odgovornost za svoje radnike;
- da se pridržava i primjenjuje sve HTZ propise, i opremu za bezbjedan rad na ovakvim poslovima;
- da otkloni sve štete koje su nastale na objektu krivicom Izvođača radova;
- Izvođač radova je dužan sve otpatke i smeće koje nastanu tokom izvođenja radova iz ovog Ugovora da odnese sa lokacije izvođenja radova i da obezbjedi skladišni prostor za materijal i opremu kao i da materijal i opremu zaštititi od krađe.

#### **Član 12.**

Izvođaču radova se postavlja uslov da nema pravo da zapošljava, u svrhu izvršenja ovog Ugovora, fizička ili pravna lica koja su učestvovala u pripremi tenderske dokumentacije, ili su bila u svojstvu člana ili stručnog lica koje je angažovao Ugovorni organ, najmanje šest mjeseci po zaključenju istog.

### **VI NADZORNI ORGAN**

#### **Član 13.**

Za vršenje cjelokupnog nadzora nad izvođenjem ugovorenih radova Ugovorni organ ovlašćuje: Zavod za izgradnju Kantona Sarajevo.

### **VII OBAVEZE UGOVORNOG ORGANA**

#### **Član 14.**

- (1) Obaveze Ugovornog organa su da :
- a) preda dokumentaciju potrebnu za uvođenje Izvođača radova u posao,
  - b) uredno ovjere i plate izvedene radove na način predviđen ovim Ugovorom,
  - c) nakon tehničkog prijema preuzmu objekat koji je predmet ovog Ugovora,
  - d) pravovremeno obavijesti Izvođača radova o eventualnim izmjenama u tehničkoj dokumentaciji,
  - e) dati Izvođaču radova, putem Nadzornog organa u roku od 15 radnih dana, sva objašnjenja i uputstva koja Izvođač radova zatraži;
- (2) Nadzorni organ vrši nadzor i koordinaciju tokom realizacije ugovorenih poslova u ime Ugovornog organa i pravovremeno ukazuje na nedostatke u izvršenju posla.

#### **Član 15.**

- (1) Izvođač radova je obavezan omogućiti Ugovornom organu i njegovim predstavnicima pristup gradilištu u bilo koje vrijeme.
- (2) Ugovorni organ će sa Izvođačem radova definirati potrebe rada tokom vikenda, rad po isteku radnog vremena.
- (3) Ugovorni organ ima pravo da, u bilo koje vrijeme, izvrši svaku vrstu kontrole i provjere u pogledu izvođenja radova koji su predmet ovog Ugovora, vrste, količine i kvalitete korištenog materijala i opreme kao i u vezi sa poštivanjem tenderske dokumentacije.

### **VIII KONTROLA KVALITETA I KVANTITETA RADOVA I UGRAĐENOG MATERIJALA**

#### **Član 16.**

- (1) Radovi utvrđeni ovim Ugovorom moraju biti kvalitetno izvedeni. Ugovorni organ ima pravo stručnog kontroliranja kvalitete izvršenih radova, a Izvođač je u obavezi kontrolu omogućiti.
- (2) Izvođač radova je dužan o svom trošku pribaviti sve potrebne ateste i mjerenja koji se odnose na izvedbu ugovorenih radova i ugrađenog materijala.
- (3) Izvođač treba da obezbjedi sve ateste, nacрте ili odgovarajuće prospekte i pisane upute o rukovanju i održavanju za sve materijale i opremu.

### **IX NAKNADNI I NEPREDVIĐENI RADOVI**

#### **Član 17.**

- (1) Izvođač radova ne može izvesti nepredviđene radove bez prethodne saglasnosti Ugovornog i Nadzornog organa.
- (2) Nepredviđenim radovima u smislu stava (1) ovog člana smatraju se radovi koji su bili prijeko potrebni da bi se osigurala bezbjednosti ili spriječio nastanak štete, a izazvani su izvanrednim neočekivanim događajima.
- (3) Izvođač radova je dužan o tim pojavama i poduzetim mjerama bez odgađanja izvjestiti Ugovorni organ i Nadzorni organ.
- (4) Izvođač može pristupiti izvođenju nepredviđenih radova samo nakon pismenog odobrenja od strane Ugovornog organa. Nepredviđeni i ostali radovi, najviše do iznosa preciziranih u ponudi Izvođača radova, moraju biti upisani u građevinsku knjigu i građevinski dnevnik.
- (5) Cijene dodatnih nepredviđenih radova, ukoliko su isti obuhvaćeni ponudom Izvođača radova, će se obračunati po jediničnim cijenama istih ili sličnih radova iz ponude, u suprotnom moraju biti odobrene od Ugovornog organa.

### **X PRIMOPREDAJA I KONAČNI OBRAČUN**

#### **Član 18.**

- (1) Izvođač radova je obavezan obavijestiti Ugovorni organ i Nadzorni organ o završetku svih ugovorenih radova putem građevinskog dnevnika.
- (2) Pregled završenih radova će, prije tehničkog prijema istih od strane nadležnog organa, izvršiti komisija koju će sačinjavati Nadzorni organ, predstavnici Ugovornog organa i Izvođač radova. Nadzorni organ će sačiniti zapisnik o pregledu i prijemu radova i sačiniti listu nedostataka sa rokom otklanjanja istih.

- (3) O završetku i preuzimanju radova, Nadzorni organ i ovlašteni predstavnici Izvođača radova i Ugovornog organa, sastaviti će primopredajni zapisnik u koje će detaljno utvrditi prvenstveno:
- da li izvedeni radovi udovoljavaju uvjetima ovog Ugovora, zakonskim propisima i pravilima struke;
  - datume početka, završetka i primopredaje završetka nabavke i ugradnje;
  - razvrstati radove koje je Izvođač radova dužan ponovno izvesti, dovršiti ili popraviti, listu nedostataka sa rokom otklanjanja istih;
  - moгуća sporna pitanja tehničke naravi.
- (4) Zapisnik o primopredaji će se potpisati nakon što Izvođač radova otkloni sve nedostatke koje je utvrdila komisija za pregled završenih radova.
- (5) Ako se zapisnikom kod primopredaje ustanovi da Izvođač radova mora određene radove dovršiti, popraviti ili ponovno izvesti, a on to ne učini, Ugovorni organ može angažovati drugog Izvođača radova na teret Izvođača radova.

#### **Član 19.**

Ponuda Izvođača radova broj 118-1213-1/P od 13.12.2018. godine, na osnovu koje je sačinjen ovaj Ugovor, čini sastavni dio istog.

#### **Član 20.**

- Ovaj Ugovor se zaključuje na period do izvršenja radova, a najkasnije do isteka garantnog perioda za predmetne radove i ugrađene robe.
- U slučaju eventualnih primjedbi Ugovornog organa na kvalitet izvedenih radova, Ugovor se može potpuno raskinuti i prije njegovog isteka, a na zahtjev ugovornog organa.
- Odredbe ovog Ugovora ne mogu se mijenjati nakon njegovog zaključenja.

### **XI UGOVORNI PENALI I NAKNADA ŠTETE**

#### **Član 21.**

- Ako Izvođač radova ne ispunji svoju ugovornu obavezu u pogledu roka izvođenja radova prema dinamici Ugovornog organa i Izvođača radova, te u slučaju kašnjenja u izvođenju radova preko 15 dana, Izvođač radova će platiti Ugovornom organu penale u iznosu od 0,5 % od ugovorene vrijednosti za svaki dan zakašnjenja, a maksimalno 5% od vrijednosti Ugovora.
- Ukoliko Izvođač radova na bilo koji način neuredno ispunjava preuzete ugovorne obaveze, a naročito u pogledu dinamike izvođenja radova, kvalitete radova i utvrđenih rokova, Ugovorni organ ima pravo raskida Ugovora i pravo da o trošku Izvođača radova ustupi posao drugom Izvođaču radova sa pravom naknade troškova uvođenja novog Izvođača radova kao i pravo na naknadu mogućeg nastanka štete zbog neispunjenja ugovorne obaveze.

### **XII ZAVRŠNE ODREDBE**

#### **Član 22.**

Eventualno nastale sporove pri realizaciji ovog Ugovora, ugovorne strane će rješavati mirnim putem, u protivnom nadležan je sud u Sarajevu.

#### **Član 23.**

Svaka od ugovornih strana može otkazati ovaj Ugovor pismenim putem uz otkazni rok od 15 (petnaest) dana iz svih razloga propisanih Zakonom o obligacionim odnosima.

#### **Član 24.**

Za sve što nije regulisano ovim Ugovorom, primjenjivat će se odredbe Zakona o obligacionim odnosima.

**Član 25.**

Ovaj Ugovor stupa na snagu danom obostranog potpisivanja od strane ovlaštenih lica ugovornih strana.

**Član 26.**

Ovaj Ugovor je sačinjen u 6 (šest) istovjetnih primjeraka, od čega svaka ugovorna strana zadržava po 3 (tri) primjerka.



Datum: 26-12-2018  
Broj: 118-1226/1013

